



Keluar daripada Kebutaan melalui Doa

"Saya boleh melakukannya sendiri" ini terpahat teguh di dalam minda kita. Oleh itu, kita giat mengerjakan kekayaan, kuasa, dan kemasyhuran untuk mengekalkan keselamatan kita. Usaha yang mengelirukan ini dengan mudah membutakan kita sehingga menjadikannya yang termustahak, dosa dan juga rasuah.

Bagaimana kita mempertahankan diri daripada kebutaan ini? Salah satu caranya ialah menempuhnya melalui 40 hari musim Pra-paskah/Lent. Pra-paskah/Lent, yang berdasarkan puasa Yesus selama 40 hari di padang gurun, suatu tempoh untuk merenungi kehidupan dan pelayanan Yesus Kristus, khususnya pengorbanan, penderitaan, penyaliban, kematian, pengebumian dan kebangkitan-Nya. Melalui "pengalaman di padang gurun" bersama Yesus Kristus, diharapkan dengan pertolongan Roh Kudus, dapat mematahkan ketamakan, penipuan, kebutaan, dan corak/tabiat yang menjauhkan kita daripada menjadi Murid Kristus yang taat dan hidup yang berhasil.

Anda digalakkan untuk menjalani musim Pra-paskah/Lent dengan tulus dan berdoa seperti berikut:

Berdoa untuk Diri Kita sendiri dan Keluarga Kita.

1. Berdoa untuk disiplin dan kekuatan untuk meluangkan lebih banyak masa dalam meditasi, bertaubat, berdoa, dan berpuasa, sebagai satu cara untuk mengingatkan kita tentang perjanjian pembaptisan kita dan Pemuridan Kristian kita (Lk. 9:18-27, 57-62; lih 2012 Methodist Book of Discipline, §§112-119).
2. Berdoa untuk kesungguhan puasa dari tabiat, misalnya melayari facebook, menatal i-phone, menonton televisyen atau filem dalam talian, menahan diri daripada makanan tertentu sebagai latihan untuk menyerahkan kehidupan kita kepada Allah dengan cara yang baru melalui doa penyangkalan diri.

Berdoa untuk Gereja-Nya

1. Berdoa untuk gereja-gereja tempatan, pastor kita, dan pemimpin gereja agar kita akan menjalani musim Lent / Pra-Paskah ini sebagai persiapan untuk perayaan Kebangkitan dan ibadah Baptisan.
2. Berdoa agar gereja-gereja tempatan akan membiarkan Tuhan melawat kita ketika bermeditasi tentang kehidupan dan pelayanan Yesus Kristus. Semoga Allah mencetuskan fikiran kita agar menyerahkan gereja-gereja kita sekali lagi untuk berjalan seperti Kristus dan menjadi pengikut yang setia di tengah-tengah kebohongan dan kebutaan. - (lih. 2012 MBoD, §§101-105).

Berdoa untuk Tanah kita

1. Berdoa agar cahaya Allah akan memancar ke atas pihak pemerintah, S.T.E.P (Sosial, tekno-sains, ekonomi, politik) pemimpin dan penjawat awam supaya mereka dapat



melihat kebohongan dan kebutaan yang mengelilingi mereka, serta seterusnya memutuskan untuk mencari Cahaya yang Benar dan berjalan di dalam Cahaya. (Lih. 2 Sam. 11:1-12:23; Maz.51)

2. Berdoalah untuk pilihan raya negeri Sarawak. Berdoa agar pemimpin yang berintegriti akan dicalonkan dan dipilih pada pilihan raya ini supaya kehendak Allah bagi negeri ini, dan Negara kita akan dibangunkan. (Bahan doa selebihnya, lihat lampiran.)

Lampiran—Bahan doa untuk Pilihanraya Negeri Sarawak

- Berdoalah supaya calon yang soleh akan dinamakan dan dipilih untuk menegakkan hak-hak semua kaum, dan menjaga pendatang dan pelarian. Berdoa untuk menentang pencalonan dan pemilihan mana-mana pihak yang ekstrem dalam apa jua bentuk seperti penghasut, pengkhianat dan yang membentuk pemecahan kaum dan agama.
- Berdoalah bagi mereka mencalonkan dan mengundi, bahawa mereka akan berkomited untuk menyokong dan mengundi calon yang soleh, yang merupakan orang pilihan Allah.
- Berdoalah supaya setiap pegawai yang terlibat dalam proses pilihan raya - termasuk pegawai-pegawai pilihan raya, pegawai yang dilantik, polis, RELA dan tentera - akan berkhidmat dengan jujur dan tulus hati. Berdoalah juga untuk pegawai yang berkhidmat dalam pengundian dan pengiraan, serta pemerhati pilihan raya.
- Berdoa supaya Allah akan memberi kekuatan dan kuasa kepada umat-Nya untuk berseru kepada-Nya siang dan malam dalam doa secara luar biasa pada musim ini.
- Berdoa juga untuk Negara, agar rencana dan tujuan Allah untuk bangsa kita akan dinyatakan dalam musim pilihanraya negeri ini.

Dipetik daripada Panduan Doa PU Sarawak Pusat (9 Februari 2016).

M24/7 Sekretariat Doa

12/02/2016